



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS.
*manè discutienda in Scholis Medicorum die Veneris vigesima-nona
Decembris M. DCC. XLI.*

M. TUSSANO-GILBERTO BOULLAND.
Doctore Medico, Præside.

de morbi chronici à vitio digestionum.

I.



ORPUS humanum automatibus præstat, & innumeris inter se diversis constar organis, quæ adunata, eodem spectant, nec otiosa nunquam non moventur. Quemadmodum omnia sunt cava, omnia replentur fluidis; jactatur, percussitur, protruditurque fluidum. Quo fiat, unum eundem alveum, quæ teratur, subigatur, prematur, eandem vim ubique nanciscitur cundo. A carceribus, ad calcem constans est illa fors! Homo à pulsa vitam auspicatur, punctum saliens, cor scilicet, salit, ut mittat sanguinem in aortam, instituatque circulatio; indefinenter adstringitur, propellit sanguinem, & ampliat, reducem ex omni corpore, per omne corpus mox reverlurum cruorem admittit. Sanguinis ille circuitus vitam statuit, sustentat, æquabilis moderatissime sanitatem efficit, inæqualis & perturbatus morbos creat; læduntur enim functiones; eo motu assiduo subsistit machina nostra, conservatur agilis; sed multiplici circuitu, continuato tritu, è sua conditione destrueretur, succorum exhalantium dispendio brevi corrueret, nisi destructa recedrentur, consumpta refarcirentur; his damnis succurrunt, optimè confecta digestaque

alimenta crassa, cruda aliud exitium inferunt; hi hospites, quasi cives incaute admisi, nullo delectu, & acervatim congesti, ipsorum genio, potentia viribusque ignotis, in ventriculo nimio plus coacervati, à primo limine illius vim demunt, fibras percussant, digestionem turbant inducunt; tandem quidquid valent, in nostram perniciem verunt, ac æconomiam animalem perturbant.

I I.

VENTRICULUS in speciem utriculi à naturâ contextus, esculenta poculenta quæ ex ore accipit digerenda, coquenda, necnon in fistulam, seu tubum intestinale diffundenda; liquidus illorum cremor, vulgo chylus, dum intestinorum spiris detinetur, rursus elaboranda; à multiplicibus lactearum ramulis exsugitur, in sanguinem nutrimentum mox convertendus; excrementa verò, feces in ampliora delabuntur intestina; at verò cibi amplexu suo coercendis, illic suo ordine, loco disponendis inhabilis ventriculus, ac tandem vincendis impar, illorum copiâ, mole extenditur, comprimuntur vasa, pondere obruitur fibrarum tonus, hinc attritus, separatio, expulsiò coctioque retardantur, debilitantur, vel prohibentur. Hæc ciborum exuperantia, quia supra vires ventriculi, neque integrè coqui, neque in purum sanguinem verti potest, cruditates accumulatur, quæ cum à debili, inferiore naturâ nequeant domari, omnis generis humores congerunt, vires premunt, jam onustum & turgidum corpus magis ac magis aggravant. Sic obstructions suâ multitudine accerfunt, quibus vasorum elater opprimitur, & quasi strangulatur, varios sic generant morbos. (a) Unde Hippocrates inquit, *ubi cibus præter naturam copiosior injectus est, hic morbum facit.* Neque verò una cibi, potusve, etiam optimi quantitas, seu exuperantia naturæ gravis infensaque est, verum etiam ptava illorum qualitas, viscositas scilicet, tenuitas, oleositas, acrimonia, ventriculum in quo hærent & detinentur, exercent, nec ventriculi robore domita, aut evicta illorum vitia, in omne corpus permanebunt pulmones, cor, cerebrum & universum corpus concutient; illorum igitur chylus, dum è ventriculo in sanguinem illabitur, suis pravis qualitatibus quidquid attingit, imbut, maximam sanè in gignendis morbis vim obtinet! Non minora asserta mala tenuior parcioreque victus, (b) *Assistente hippocrate*, fibras ventriculi repetito attritu deterit, succos tenues exhaurit, halitus dissipat & consumit, crassos humores inspissat & putrefacit, Undè à longiori in ædiâ crassiores, renacientes partibus magis inhaerentes proritant morbos, undè ingens & atrox morborum cohors.

(a) Ad vires i.
aph. 17. ad vasa.

(b) Aph. 4-5.

I I I.

QUÆ necessitudo nobis ferenda sunt, & sine quibus vivere non licet, ut aer, cibus, potus, motus, quies, somnus, vigilia, quæ excernuntur, subsistunt & animi perturbationes suâ moderatione appetentiam & concoctionem juvant, foveant, perficiunt & sanitatem tuentur, suâ immoderatione ac inconstantia corpus jactant, concutiant, sanguinem & humores sedant, & corpus labefaciunt; sic suis procellis, turbulentis fluctibus, quæ nec prævideri, nec declinari possunt, etiam moderatrix adit temperantia, ventriculum convellunt, debilem ac coctioni imbellem efficiunt, sic concoctiones pervertunt. Chylus ex alimentis crudis, semitritus, malè coctis elicitus, sanguini adjungitur, immiscetur, coagulantur subsidarius & confunditur mox ipsi substituendus. At verò exardescit cor, acris micat, ictus, vires intendunt arteriæ, motus & concussus densant, duplicant fibræ, eo quod chyli duri, crassi, spissi superficies ipsarum obtutui obtinent. Obstantia perperme chylum tardum & concretum contundere, densum discerpere, atque comminere omni ope atque opera nituntur. Invisus ille, solidorum vim & potentiam eludit. Hinc sanguis, qui ni moveatur, vitium capit, omni mutationi & corruptelæ proclivis, hac miscellâ cogitur, crassescit, spissatur, arteriarum contractionibus obnititur, vasculorum fibras pondere, mole compellit, peremptit, ipsarum diametrum explicat, lentius fluit iners, partium nutritionem subtrahit, nec non secretiones fallit. His impeditis, vel imminutis supervacanei in sanguine exaggerantur succi; duabus agitur potentiis aggestus sanguis, à corde confestim promovetur, necnon vi arteriarum saliente quoquò versus urgetur, percutitur, stringitur, & repetitis, congeminationis ictibus junguntur, necluntur, agglutinantur partes ramosæ, fibrosæ, glutinosæ & renaces, quibus scaturit illud fluidum; tamen enixè adigatur, impetu trudatur sanguis, haud multum procedit; vasorum pulsus & percussus suspenduntur, depravantur, vel prohibentur; hinc illorum pressio remittitur retineturque tritus, ingravescit, lentescit, torpescitque lymphæ, quia viscosa hæret, stagnat, nec non obstructions soluti perdifficiles invenit. Et illarum rudimenta crebro sensum fugiant, & qui his appetuntur, firmâ ac prosperâ uti valetudine putent, aliquantò post palam proferuntur morbi. Variis symptomibus distinguuntur, pro diversis partibus affectis, his quædam mendosæ, ac vitiatæ chylosis adjunguntur signa, ut *cardialgia*, ingens & atrox appetitus, bilis cumulus, nausæa,

vomitibus, appetitus prostratio, pervigilium, tormina, *borborygmi*, ructuum explosio, anxietas, singultus, gravitas, tensio, tumor, dolor in regione *epigastrica*, frigoris sensus, colicus dolor, æstus in præcordiis, horror, febris, & alia impediunt coctionis signa.

IV.

IN communem omnium partium corporis humani utilitatem ventriculi functio, quo nutriantur, reparantur & sua obeant munera à sanguine hauriunt, mutuum enim est stomachum inter & sanguinem commercium; sanguis quò tot, ac tantos sustineat sumptus, à ventriculo colligit; ventriculus omne subsidium, quo indiget ad suum opus, à sanguine depromit; hinc sua in omne corpus jura ventriculo exercere, eorumque notitiam in contemplatione Medicæ, seu in (a) *theoretice* necessarium, sed longè majoris esse momenti in legitima præxi, antiqui & recentiores Medici profiterentur omnes; morbos (b) *chronicos*, seu longos variatæ & effectû admodum dissimiles, (quibusdam exceptis, quos trahunt morbi acuti malè curati,) à læsâ ventriculi actione procedere Medicis præstantissimè visum est; haud sistet, si quidem affectio ventriculo, læsâ concoctione, de suo statu decidit sanguis, & vitium contrahit; læsâ concoctio est morbus, qui licet nostros ac laborantium sensus sæpe fugiat, aliorum morborum sit opifex & illos fovet, & ab illis fovetur; herbis, plantisve vesicatoriæ omne animantium genus, plantas edis tellus, sulcit & sustinet, quæ salinis, sulphureis & metallicis particulis exuberant, inquit Hippocrates, & alimenta quibus alimur, ipsæ principis terris tribus non omnimò esse expedita ac vacua, eaque in chylum ac sanguinem non ita immutari, quin fiant morborum cause, suadet idem senex; concoctionem perturbari inde inferunt Medici non pauci; morbos diuturnos, pertinaces, vulgò *chronicos*, ex digestionum omnium labefactione oriri monet Sydenhamus, alter Hippocrates, ac rerum observantissimus; in hoc morbo inquit, de (c) *Podagra* loquitur, & in aliis morbis diutinis præstantissima sunt illa medicamenta, præter vinola, quæ ad ventriculæ refovendum, erigendum, causa non elanguentem digestionem redintegrandam præstant; cùm illorum morborum natura precipua, meo judicio, sit vitata concoctio; hinc crassus, insincerus sanguis, hinc densa, gravis, tardaquæ lymphæ, torpere, quiescere apta, in glandulis impediunt, ipsis devincitur, implicatur, supra modum extenduntur fibræ, enixè expanduntur & explicantur vasa, liquoteni præ meatibus angustis hærentem refandere nequeunt; arteriæ validius pulsant, acrius feriunt & vehementius torquent renacem, ac glutinosam lympham, acutiùs conflunguntur nervi; viæ præfectantur, liquor angustioribus canaliculis conclusus, liberè meare nescit, altuat redundante, in totius machinæ perneciem fibræ obvitur & obstat ne distribuatur humoribus, quibus recreantur, rescinduntur viscera, quibus sua persciant nuntia, quibus sustentatur propagaturque vita, nec non secunda obtinerent valetudo, sed morbos longos, qui difficilè coercentur, gignit crudus ille succus; iique coacti sunt varii pro diversis partibus, in quibus subsidet, commoratur, ut genus omne febrium, *chlorosis*, insulens *hysterici*, *melancholia*, *scorbutus*, *Podagra*, & alii *chronici* affectus.

(a) Hippocrat. lib. 6. epidem. sect. 3.

(b) Hippoc. tract. de intern. Medic. pag. 25.

(c) Sydenham tract. de Podagra pag. 171.

V.

UT laudabilis obtineatur chylus, justum tenere vescendi modum, ac cibos simplices, faciles, paucos, utiles & pro corporis habitu, temperamento ac ventriculi viribus selectos, capere non sat esse, sed insuper ut organa quæ concoquunt, vel coctioni operam exhibent, optimè sint affecta & expedita necessariò requirit, nemo Medicorum esset necius! Labentem restituere digestionem, magnum opus summaque difficultas; morborum quibus vitata ansam præbet, diuturnitas, contumacia, recidivi accessus, seu *paroxysmorum* reditus, atque adeo medicamina, quæ semper fuerunt ex usu, nostram firmant sententiam; si dubites adhuc, audias Sydenhamum de *Podagra*, edit & commonet; cui Ars, & Natura tam efficax, tam præsens tamque (a) *alexipharmacum* medicamen tribuerent, quod ventriculo succurrere, coctionem reparare & in integrum revocare polleat, plures solum ægritudines persanantur, quam mens posset excogitare. Quoniam quæ ut plurimum solvuntur obstructions, mox redintegrantur, aut recentes proferuntur; qui igitur cuiusvis morbi *chronicæ* actionem molitur, id negotii sibi dari sciat, ut læsâ concoctioni communi morborum parenti medeatur, & digestionem organa ad pristinam perfectionem restituat, & totius corporis habitum immutet; secus allucinari & suam perdere operam putet; maximus ceterè, & præcipuus curandi scopus est, ut coctioni, cruditatibus subtilis consulatur, quæcunque igitur naturæ opera ferunt in muneribus suis ritè adimplendis, sive ventriculum corroborando, ut alimentis rectè coquat, sive sanguinem ad debitam chylis, in illum juncti assimilationem comparando, sive partes solidas firmando, quo melius succos earundem nutritioni, reparationi, augmento destinatos, in propriam convertant substantiam! Quæcunque denique variâ excretionum organa seu emunctoria corporis in eo statu conservant, ut singu-

(a) Sydenham de Podagra pag. 171.

larum partium recrementa, debito tempore acque ordine valeant amandare; hæc hujusmodi omnia, huic adimplendo scopo conferunt & propriè digestiva possunt appellari; siue venæ sectio, siue catharticum, siue pharmaca ea fuerint, siue victus ratio, exercitatio, siue alia quæ sex res non-naturales vocantur! Ne mireris, venæ sectione, cathartisque minuitur sanguinis & humorum copia, fibræ tonus, musculis exercitium restituitur, secretiones & excretiones promouentur. Remedia digestiva leviter amarificant, moderatè calefaciunt, venticulo pergrata, digestionibus succurrunt, qualia radices angelicæ, enulæ campanæ, folia absinthii, centaurei minoris, cortex peruvianus, alia bene multa; aperientia vero, ut crocus Martis aperiens, sanguinem & lympham fluidiores reddunt, ac mutationes miras proferunt, moderata præcipuè exercitatio, continuatâ corporis succussione & contractionibus organa secretionibus dicata, ad munus depurandi sanguinis rite implendum compelluntur; unde sequitur digestionum deperditarum quasi renovatio, & rotius corporis crasis optima; at verò animadvertendum aperientia, corroborantia ac digestiva remedia in *paroxysmorum* intervallis, vel sub illorum finem in usum esse revocanda! Sed quid memorem morbus *chronicus* sæpè non fideliter intermittit, eò quod per brevissima intervalla soletat recurrere; quænam tunc medicamina sint eligenda, ac conferenda. Ex morbi diligenti examine, accuratè symptomatum pensatione colligitur; sed de his suo loco, tempore & ordine exhibendis ac variandis, judicet judicio pollens Medicus, & in arte excellenter professus, & æger momento Medici pareat, nec spem abiciat, neque enim sine magnâ temporis morâ & pertinaci remedium usu, concoctionum corroboratio restauratioque possunt acquiri; at solertis Medici subsidio, vel ad sanitatem restituitur æger, aut saltem relaxantur dolores, mitigantur symptomata. molliturque morbus, qui mitior, facilius fertur.

Ergo morbi chronici à vitio digestionum

DOMINI DOCTORES DISPUTATURI.

<i>M. Carolus Payen, Chirurgia Gallico Idiomate Professor.</i>	<i>M. Jacobus - Franciscus Vandermonde.</i>	<i>M. David Vasse.</i>
<i>M. Tuffanus - Gilbertus Boulland, Alibi Præf.</i>	<i>M. Jacobus - Albertus Hazon.</i>	<i>M. Andreas - Josephus Seyon.</i>
<i>M. Gaspardus Cochon du Puy, in Arce Mariimâ Rufifor- tensi Anatomæ & Chirurgia Professor Regius.</i>	<i>M. Claudius - Carolus de Jean.</i>	<i>M. Thomas - Renatus-Guynier.</i>

Proponerebat Parisiis, JOSEPHUS-MARIA-FRANCISCUS DE LA SONE,
Carpentoracensis, Baccalaureus Medicus, A. R. S. H. 1741, à sextâ ad meridiem.